

20 Ma’asi 2014

**Fanongonongo Fika 3/2014 –
Fanongonongo Ma’u ‘o ha Pa’anga Loi**

‘Oku ‘oatu ‘a e fanongonongo ko’eni mei he Pangike Pule Fakafonua ‘o Tonga ke mea’i ‘e he kakai e fonua ‘oku kei hokohoko atu pe ‘a hono ma’u ‘a e pa’anga loi tautefito ki he \$50 pea ko eni kuo kamata ke ‘asi mai mo e pa’anga loi ‘i he \$10. Ko e ngaahi lau’i pa’anga ko ‘eni ‘oku ‘ikai ke ha ai ‘a e ngaahi faka’ilonga fakapulipuli ‘a ia ‘oku totonu ke ma’u ‘i he lau’i pa’anga takitaha ‘o hange ko ‘eni:

1. Ko e lau’i pa’anga kotoa pe kuo pau ke ha mei loto ‘a e Langi ‘o e La’a kuo unga fonua ko ‘Ene ‘Afio Taufahau Tupou IV í he paaki motuá pe Siaosi Tupou V í he lau’i pa’anga paaki fo’ou, pea ‘oku toki lava ke ‘asi ‘o ka sio’aki ai ki ha maama.
2. Ko e lau’i pa’anga pepa kotoa pe kuo pau ke ha ‘a e filo lanu ‘uli’uli ‘oku paaki mei ‘olunga ki lalo ‘o tatau pe i he pa’anga paaki motu’a pea mo e pa’anga paaki fo’ou.

‘Oku ‘oatu ai ‘a e fakatokanga mamafa ko ‘eni mo e kole ki he kakai ‘o e fonua kemou vakai’i mo sivi’i fakalelei ‘a e lau’i pa’anga kotoa pe tautefito ki he \$50 mo e \$10 pe ‘oku ‘asi ai ‘a e ongo faka’ilonga ko ‘ena pea ke toki tali, pea kapau ‘oku ‘ikai ‘asi ‘a e ongo faka’ilonga, kataki ‘oua teke tali he ‘oku ‘ikai hano mahu’inga pea he’ikai ke tali ia ‘e ha pangike. Kapau leva temou ma’u ha pa’anga loi kataki ‘o fakafetu’utaki mai ki he Pangike Pule pe ko e Potungaue Polisi.

‘Oku fakatokanga atu heni kiate kinautolu ‘oku nau paaki mo tufaki ‘a e ngaahi lau’i pa’anga loi ke mou mea’i ko e hia mamafa ‘eni ‘i he lao hotau fonua ‘o hange ko ia ‘oku tu’utu’uni ‘e he kupu 59 mo e 61 ‘o e Lao ki he Ngaahi Hia 1988.

Va’a Pa’anga

Pangike Pule Fakafonua ‘o Tonga

Telefoni (676) 24 057; Fax (676) 24 201

‘Imeili: nrbt@reservebank.to

Uepisaiti: www.reservebank.to